

Guangjisi Minzcu Bau

ganhhau: CN45-0036 B.2017 Nd.5 Ng.17 liggaeuq dingyoux nienz ndwenseiq ngeihngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3274期

Swcigih Minzcunghvej Daengz Gunghcwngz Hai- guh Minzcu Vwnzva Gyauyuz Ciendaez Diuyenz 自治区民宗委到恭城开展民族文化教育专题调研

5 nyied 9 daengz 10 hauh, Swcigih Minzcunghvej diuyenzcu Liengz Gveiyngz daengj bae daengz Gunghcwngz Yauzcuz Swciyen, guh minzcu vwnzva gyauyuz ciendaez diuyenz.

Diuyenzcu gonqlaeng gaujcaz le Bambuenzvuengz Gunghcwngz, Gunghcwngz Minzcu Cunghyoz, Lenzvah Cin Mbanjaijai, caemhcaiq dingq le gij bauqlwnh gihbwnj cingzvang gaenh bi neix Gunghcwngz haiguh minzcu vwnzva gyauyuz, miz hojnanz caeuq

yamqlaeng guhhong lohnaemj haenx.

Diuyenzcu cungfaen haengjdingh gij cingzci Gunghcwngz hwnghat siujsq minzcu vwnzva gyauyuz aeundaemj haenx, nyinhnaeuz Gunghcwngz hwnghat moegbiu mingzbe, lohnaemj mingzbe, cingzci yienhda. Doengzseiz doiq Gunghcwngz gyavaiq hwnghat siujsq minzcu vwnzva gyauyuz daezok sam diemj iugouz: It aeu ca diemjrongh, mbouj ndaej gapngangz ciuq guh, caeuq aen yienh

Yauzcuz wng doxdoengz; ngeih youq "cinjcing bangfuz" beigij hung neix, yiemzgek ciuq iugouz caeuq cwngzsi anbaiz yungh gij ngaenzcienz haeujhag cienhangh boujdiep hagseng siujsq minzcu maenhndei daegbied gungzhoj; sam aeu gyaak bangfuz hong baujhoh caeuq swncienz lajmbanj minzcu vwnzva, dajcauh gij vwnzva gyauyuz binjbaiz gig miz minzcu daegsaek Gunghcwngz haenx.

(Gyangh Dauh/江滔)

Lungzswng: Lwg Caeuq Meh Caez Angqgvaq Ciet Daxmeh



龙胜: 亲子互动
欢度母亲节

5 nyied 14 hauh dwg ciet daxmeh, Lungzswng Gak Cuz Swciyen Lungzswng Siujsq cujiz haiguh lwg caeuq meh gvaq ciet daxmeh hozdung, gyoengq lwgnyez buenx meh bonjfaenh caez daengz Majdiz Yangh Fuzungz Cunh, Canghyah Cunh yawjngonz gingjaek doengnaz, daejniemh vwnzva dajndaem, haiguh lwg caeuq meh cunz suen hozdung, doxdax guhangq caeuq biujyienj dungxaiz daengj, hawj gyoengqde angqyangz gvaq ciet daxmeh. Ndaw doz dwg lwgnyez caeuq meh caez guh gyaujsjw.

(Banh Cisiengz/潘志祥)

Yungzsuij Gyaak Hwnjguh Mbanj Daegsaek Siujsq Minzcu 融水加强少数民族特色村寨建设

Yungzsuij Myauzcuz Swciyen dawz daezsang vunzlai lajmbanj siujsq minzcu vut gungz baenz miz guh cungdenj, yungh seiq aen banhfap haenqrengz gyaak hwnjguh mbanj daegsaek siujsq minzcu.

It laebbaenz yienh "mbanj daegsaek" guhhong lingidauj siujcu, laeb "mbanj daegsaek bangunghsiz", gij yanghcin miz yinvu hwnjguh mbanj daegsaek haenx anbaiz ganbu fucwz ca hong mbanj daegsaek.

Ngeih dwg dingh ok hengzguh fueng'anq yungh sam bi hwnjguh "mbanj daegsaek", faen duenh, faen yamq haiguh hwnjguh lajmbanj "sam va gajj ndeu" seiq aen gunghcwngz hung, hong baujhoh conzdungj minzsuz vwnzva Myauzcuz, Duncuz, Yauzcuz

caeuq cungdenj hanghmoeg.

Sam dwg cingceih vanzging veiswng, gajjndei yienghsienq aenmbanj. Moix aen mbanj daegsaek boiq miz bauxbaetgai, hwnjguh dieg coemh nyapnyaj, singz mbanj song gaep haiguh baet seuq vanzging; song bi guhsat cek diengzhaex caeuq diengzmou henz roen yanghcin, lajmbanj yawj ndaej haenx. Dawz aenmbanj vanzging cingceih guh fwngzgaem, haenqrengz hengzguh vanzging bienqseuq, dajndongj roenloh, bya'ndoi gyanghnguh luzva, ndaw mbanj ranzlaeuz meijva "seiq va" gunghcwngz.

Seiq dwg dawz mbanj daegsaek siujsq minzcu guh caidij, bang doi swncienz hwnghat minzcu vwnzva maenhndei. Gaenh bi neix daeuj, bued

roengz ngaenzcienz cienhangh hwnghat siujsq minzcu, dajcauh baenz mbanj daegsaek siujsq minzcu Yanghfwng Yangh Yijbuz Cunh, Ginhlanz Denzdangz Cunh; Swyungz Yangh Dunghdenz Cunh Denzdouz Mbanjmyauz, Mbanjdunghgyangh Iq, Yungzdi Mbanjdung, Yungzdangz Mbanjmyauz; Anhdai Yangh Beizsiu Cunh, Yenzbauj Cunh daengj guh daiqbiuj haenx, hwnghat baenz buek dinfwngz conzdungj minzcu, gijgwn minzcu daengj daegsaek canjnieb he, swncienz caeuq baujhoh conzdungj vwnzva siujsq minzcu doengzseiz, coicaenh vunzlai gungzhoj siujsq minzcu dangdieg laisou baenz miz.

(Cinz Cunghdwz/陈忠德 Veiz Yungzcunh/韦荣春)

SIUSIK DINJ

简讯

● 5 nyied 3 hauh, Guengjsae Swhfan Yozyen Codaengj Gyauyuz Yozyen Lij Meijcen, Bungz Gij song boux lauxsae neix, bae daengz Namzningz Si Vujmingz Gih Gingloz Siujsq, Cunghgyauz Siujsq song aen hagdangz neix, doiq 2015 gaep ban Cuengh Gun song vah saw sizsiz hagseng guh gij hong dauqcunz diuyenz, doengzcaez guh ndei hong gungganq lauxsae Cuengh Gun song vah saw.

(Luz Gyahyen/陆佳艳)

● 5 nyied 14 hauh, gyoengq vunzmbanj Gunghcwngz Yauzcuz Swciyen Gyahvei Cin Daibingz Cunh gag cujiz ciengz hozdung gyo'mbaiz daxmeh he, caez ciemmingz hauq bohme, bang daxmeh swiq baez din he, yiengq daxmeh nyienh baez loek he, yungh neix fatyengz daudwz ndei Cunghvaz.

(Cauh Binjiuh Vangz Swnghajj)

● 5 nyied 7 hauh, Dasinh Yen Wnhcwngz Yangh Segih Mbanjnazvang banh ciet minzsuz vwnzva gaiq daeuz, diuq fouxsaux, guh ceiz daengj minzsuz vwnzva hozdung lai cungj lai yiengh caeuq gijgwn ndei daegsaek Mbanjcuengh yinx ndaej haujlai vunzmbanj mbanj henzgyawj caeuq hekyouz daeuj daejniemh youzcat.

(Cinz Civanj)

● Mboengqneix, beixnuengx Yizcu Lungzlinz Gak Cuz Swciyen youq Mbanjdangzsiz Dwngoz Cin banh aen yizsi hai mbaet cazgeq cwz cien bi haenx. Gyoengq vunzlai Mbanjdangzsiz caeuq mbanj henzgyawj daengj 3000 lai boux camgya aen yizsi neix.

(Dauz Dwzgvangh)